



REPUBLIKA E SHQIPËRISË
ENTI RREGULLATOR I ENERGJISË
Bordi



VENDIM

Nr. 130, Datë 31.10.2015

**PËR CERTIFIKIMIN PARAPRAK TË SHOQERISË TAP AG SI
OPERATOR I PAVARUR I TRANSMETIMIT TË GAZIT NATYROR**

Bazuar në nenet 13, 37 dhe 38 të Ligjit nr.102/2015 “Për Sektorin e Gazit Natyror”, nenin 11 pika 3, të *Rregullave për Certifikimin e Operatorit të Sistemit të Transmetimit për Gazin Natyror* të miratuar me Vendimin nr. 100, Datë 05.08.2015 të Bordit të ERE-s, të ndryshuar, të pikës 4.5.2 të Opinionit të Përbashkët Perfundimtar/Final Joint Opinion, miratuar me Vendimin Nr. 64, Datë 13.06.2013 të Bordit të Komisionerëve të ERE-s, Traktatit të Komunitetit të Energjisë të ratifikuar me Ligjin nr. 9501, datë 03.04.2006, Rregullat për Organizimin, Funkcionimin dhe Procedurave të ERE-s, Vendimit të Këshillit Ministerial Nr. D/2011/02/MC-EnC, si dhe në përputhje me Direktivën 2009/73-EC dhe Rregulloren EC Nr.715/2009, Bordi i ERE-s, në mbledhjen e tij të datës 31.10.2015, mbasi shqyrtoi relacionin përparim nga grupi i punës “Për për aplikimin e bërë nga ana e kompanisë TAP AG për miratimin paraprak të certifikimit të TAP AG si Operator i Sistemit të Transmetimit të gazit natyror” si dhe :

duke marrë në konsideratë që:

- Në datë 1 Korrik 2015, TAP AG ka paraqitur në ERE kërkesën nr.12/11 prot, datë 06.07.2015, dhe dokumentacionin përkatës i cili është gjithashtu i

aksesueshëm edhe në Data Room-in e krijuar për qëllim të certifikimit si Operator i Pavarur i Transmetimit të Gazit Natyror në përputhje me pikën 4.5.2 të Opinionit të Përbashkët Përfundimtar/Final Joint Opinion, miratuar me Vendimin Nr. 64 Datë 13.06.2013 të Bordit të Komisionerëve të ERE-s,

- Kjo kërkesë dhe dokumentacioni i paraqitur në ERE, është vënë gjithashtu në dispozicion të Autortiteteve RAE dhe AEEGSI si pjesë e gjithë dokumentacionit të nevojshëm për procedurën e certifikimit nga tre Rregullatorët e vendeve ku kalon projekti TAP përkatësisht Greqi, Shqipëri dhe Itali .
- Kjo kërkesë për miratim, mbështetet në sa përcaktuar në pikën 4.5.2 të Opinionit të Përbashkët Përfundimtar/Final Joint Opinion, miratuar me Vendimin Nr. 64 Datë 13.06.2013 të Bordit të Komisionerëve të ERE.
- Për efekt të këtij aplikimi janë depozituar dokumentat si vijon:
 - Aplikimi për certifikim, i cili përmban lidhjet dhe dokumentat mbështetës të aplikimit formal;
 - Position Paper I- Drafti i Aplikimit të Certifikimit (konfidencial)
 - Position Paper II – Financimi (konfidencial)
 - Road Map për TAP për funksionimin sipas Modelit ITO, (konfidencial)
- Referuar nenit 37 pika 6, të ligjit nr.102/2015 “Për sektorin e gazit natyror” ERE ruan konfidencialitetin e informacionit tregtar.
- Komunikimin e TAP-AG datë 19 Tetor 2015 (protokolluar me nr. 12/18 date 27.10.2015, i cili përmban një kopje të Marrëveshjes së Aksionerëve të TAP, midis aksionerëve dhe kompanisë.
- Paragrafi 4.5 i Opinionit të Përbashkët Përfundimtar (Final Joint Opinion) vendos përjashtimin e TAP AG nga rregullat mbi ndarjen e pronësisë sipas nenit 9, pika 1 të Direktivës 2009/73/EC për një periudhë 25 vjet duke filluar nga vendosja në përdorim e infrastrukturës.
- Paragrafi 4.5, pika 2 e Opinionit të Përbashkët Përfundimtar (Final Joint Opinion) kërkon që TAP AG të certifikohet si operator i pavarur i transmetimit për gazin natyror, para fillimit të ndërtimit të infrastrukturës dhe jo më vonë se data 1 Janar 2018.
- Në pikën 4.5 të Opinionit të Përbashkët Përfundimtar (Final Joint Opinion) janë përcaktuar kriteret përkatëse për certifikimin para vënies në operim të gazsjellësit.

- ERE në cilësinë e autoritet përgjegjës për rregullimin e sektorit të gazit natyror dhe në përputhje me Ligjin Nr. 102/2015 “Për Sektorin e Gazit Natyror”, si dhe me detyrimet sipas Traktatit të Komunitetit të Energjisë ratifikuar me Ligjin Nr.9501 datë 03.04.2006 ka miratuar me vendimin nr.100 date 05.08.2015 Rregullat për Certifikimin e Operatorit të Sistemit të Transmetimit për Gazin Natyror, të ndryshuar.
- Neni 10, paragrafi 6, i Direktives 73/2009-EC, parashikon se autoritetet rregullatore duhet të vënë në dijeni Komisionin, për vendimin e shprehur apo të pa shprehur me fjalë për certifikimin operatorit të sistemit të transmetimit të gazit, si dhe të gjitha informacionet relevante që kanë qarkulluar në këtë vendim; Komisioni vendos në bazë të procedurave të përcaktuara në nenin 3 të Rregullores CE 715/2009;
- Neni 11 i Traktatit të Komunitetit të Energjisë dhe neni 9 i Vendimit të Keshillit Ministerial Nr. D/2011/02/MC-EnC, parashikon që ERE duhet të vejë në dijeni Sekretariatit të Komunitetit të Energjisë për vendimin e shprehur apo të pa shprehur me fjalë për certifikimin e operatorit të sistemit të transmetimit të gazit natyror. Sekretariati vendos në bazë të procedurave të përcaktuara në nenin.9, pikë 2 e Vendimit të Keshillit Ministerial të Komunitetit të Energjisë.
- Neni 10, paragrafi 8 i Direktives 73/2009-EC parashikon se autoritetet rregullatore dhe Komisioni Evropian duhet të garantojnë sekretin e informacioneve tregtare me karakter konfidencial, siç është parashikuar në procedurën e certifikimit;
- Nepermjet komunikimit të 1 Korrikut 2015, i cili përmban rrethanat e certifikimit, TAP AG ka prezantuar argumentet e duhura në favor të certifikimit të tij në cilësinë e operatorit të sistemit të transmetimit sipas modelit ITO parashikuar në Kapitullin IV të direktives 2009/73/CE, pavarësisht mospërbashkimit të disa detyrimeve të parashikuara në këtë model;
- Në këtë komunikim shoqëria TAP AG ka evidentuar, se është një shoqëri posaçërisht e ngritur për ndërtimin e gazsjellesit TAP pas asnjë interesi direkt apo indirekt në aktivitetet e prodhimit apo furnizimit dhe e ndare nga aksionerët e saj. Rrjedhimisht TAP AG nuk është një sipërmarrje vertikalisht e integruar siç parashikohet në artikullin 2, paragrafi 22 I direktives 2009/73/CE;
- Me Vendimi nr.101 date 05.08.2015 ERE ka hapur procedurën për shqyrtimin e aplikimit të shoqërisë TAP AG për certifikim si Operator i Pavarur i Transmetimit të Gazit Natyror.
- Në lidhje me aplikimin e bërë nga shoqëria TAP AG për Certifikim, ERE ka nisur aktivitetet e nevojshme të bashkëpunimit me RAE dhe AEEGSI, për të finalizuar adoptimin e një vendimi të përbashkët për TAP AG sipas modelit

ITO, i cili është në përputhje me kapitullin IV të Direktives 2009/73/CE, dhe e përjashtuar nga artikulli 22 i direktives, është si parashikohet në paragrafin 4.5 pika 2 e Final Joint Opinion.

Për gjithë sa më sipër Bordi i ERE-s

Vendosi :

1. Miratimin paraprak të certifikimit të shoqërisë TAP AG si Operator i Pavarur i Transmetimit të Gazit Natyror, në përputhje me nenin 10 të Direktives 2009/73/CE dhe të paragrafit 4.5.2 të *Final Joint Opinion*, sipas materialit bashkelidhur këtij vendimi (Anex A), i rënë dakort me RAE dhe AEEGSI, i cila është pjesë integrale e vendimit;
2. Të percjelle këtë vendim Sekretariatit të Komunitetit të Energjisë, për opinionin është si përcaktohet në nenin 3 të Rregullores Nr. 715/2009-EC dhe nenin 9 pika 1 e Vendimit të Këshillit Ministreal të Komunitetit të Energjisë. Nr. D/2011/02/MC-EnC.
3. Të percjelle këtë vendim Ministrisë të Zhvillimit Ekonomik, Tregëtisë, Turizimit dhe Sipërmarrjes, Ministrisë së Energjisë dhe Industrisë, Autoritetit të Konkurrencës, RAE, AEEGSI dhe Shoqërisë TAP AG;

Ky vendim hyn në fuqi menjëherë

Ky vendim botohet në Fletoren Zyrtare.

KRYETARI I ERE-s

Petrit AHMETI